

Haslach isch onser ganzer Stolz...

1. Gm s war mal s´ kleinste Dorf em Gäu
Cm D Ganz schee lang isch des scho her
Gm A Kirchle hats ghet ond en scheena Altar
F D ond dazu a Kriegerdenkmal
- Gm Ganz schee gwachsa isch´s Dörfle seither
Bb F Gm D´ Kirch abbrocha vor 200 Jahr
Gm ond´s Kriegerdenkmal war de Autos em Weg
Cm en Stuttgart staht der Altar
- Bb Gm Haslach isch onser ganzer Stolz
Cm onser Freid, onser Sonnaschei
F ond dass mir fast alle Haslacher sen
Gm Druf bildet mir ons was ei.
2. Gm Mr hend da größta Steinbruch em Gäu
Cm D Wenn gsprengt wird na wacklet die Wänd
Gm Blast der Wend beim ma Hoch von Osta her
F D kommt a Gschmeckle vom Morof, ma kennts
- Gm A Grundschul hemmer seit 20 Jahr
Bb F Gm mit alle 4 Klassa em Ort
Gm A Handyantenne guckt nonder zur Schul
Cm S´wär vielleicht doch besser die wär bald fort
- Bb Gm Haslach isch onser ganzer Stolz
Cm onser Freid ond Sonnaschei
F ond dass mir fast alle Haslacher sen
Gm Druf bildet mir ons was ei.
3. Gm D´ Berliner Mauer isch scho seit 20 Jahr weg
Cm D Doch onsre bleibt ond staht fest
Gm Sie schützt onsern Dorfplatz vor alle Feind
F D Nach Norden und nach West
- Gm Mr hend koi Post meh on au koi Bank,
Bb F Gm nach Herraberg fährt schließlich a Bus
Gm mir hend da beste ÖPNV
Cm ond abends om zehne isch Schluss
- Bb Gm Haslach isch onser ganzer Stolz
Cm onser Freid ond Sonnaschei
F ond dass mir fast alle Haslacher sen
Gm Druf bildet mir ons was ei.

4.Gm König gibt´s koin me, aber en Haslacher Hof
Cm D A bissla Hochstapla muss scho sei
Gm Mir ganget da lieber en Mostbesa nei
F D Der isch zwar kloie aber fei

Gm an der Hauptstraß a Ruine onter Denkmalschutz
Bb F Gm A Zehntscheuer ond a Most-Denkmal
Gm en Bäcker der nemme bloß Berliner backt
Cm Wurst ond Fleisch gibts en ra Garage

Bb Gm Haslach isch onser ganzer Stolz
Cm bei Rega ond bei Schnee
F froh semmer, dass mr fast alle Haslacher sen
Gm O Heimat, wie bisch du schee.

5.Gm A Apotheke ond en Arzt braucht hier koiner
Cm D denn mir Haslacher sen alle gsond
Gm Kröpf gibt´s bei ons scho lang koine meh
F D Papierkorb hemmer für d´ Hond

Gm Am End gibt´s für elle en schöna Trost
Bb F Gm Au wenn d´ ganz Welt a Jammertal
Gm Vom Friedhof hasch da schönste Blick
Cm Auf d´ Alb ond ins Ammertal

Bb Gm Haslach isch onser ganzer Stolz
Cm bei Rega ond bei Schnee
F froh semmer, dass mr fast alle Haslacher sen
Gm O Heimat, wie bisch du schee.

*Text/Musik: Volker Mall, Haslach
2010*